

ավագանու, այլ պատվիրատուների դեպքում՝ ընդհանուր կառավարումն իրականացնող լիազորված մարմնի ղեկավարի, իսկ հիմնադրամների դեպքում՝ հոգաբարձուների խորհրդի որոշման հիման վրա:

Հիմք ընդունելով վերը շարադրվածը՝ Դատարանը հաստատված է համարում հետևյալը.

Հայցվոր «Էլլիպս ՋիԷլ» ՍՊԸ-ն ճանաչվել է որպես գնման ընթացակարգի ընտրված մասնակից, որի արդյունքում չի սահմանվել անգործության ժամկետ, քանի որ հայցվորը հանդիսանում էր գնման ընթացակարգի միակ մասնակիցը, հետևաբար կողմերի միջև պետք է կնքվեր պայմանագիր, սակայն ՀՀ կառավարության 14.07.2022թ. N 1079-Ս որոշման համաձայն ՀՀ կառավարությունը որոշել է թույլատրել ՀՀ ոստիկանությանն իր կարիքների համար ծառայությունների ձեռքբերման նպատակով 2022 թվականի հունվարի 19-ին հայտարարված «ՀՀ ՈՒՍՏՁԲ-46-ԾԱՌԱՅՈՒԹՅՈՒՆ-2022» ծածկագրով գնման ընթացակարգը հայտարարել չկայացած գնման պահանջի դադարման հիմքով:

Տվյալ դեպքում Դատարանը փաստում է, որ առկա է Օրենքով նախատեսված պետության կարիքների համար կազմակերպված գնման ընթացակարգը չկայացած հայտարարելու Հայաստանի Հանրապետության կառավարության որոշում, որի արդյունքում վերացել է հայցվորի հետ պայմանագիր կնքելու պարտադիր պայմանը:

Սման պայմաններում Դատարանը գտնում է, որ հայցվորի պահանջը ուղղված ՀՀ ոստիկանությանը պայմանագիր կնքելուն հարկադրելու վերաբերյալ, անհիմն է և ենթակա է մերժման:

Անդրադառնալով դատական ծախսերի փոխհատուցմանը և գործին մասնակցող անձանց միջև դրանց բաշխելուն՝ Դատարանը գալիս է հետևյալ եզրահանգմանը.

ՀՀ քաղաքացիական դատավարության օրենսգրքի 101-րդ հոդվածի համաձայն՝ դատական ծախսերը կազմված են պետական տուրքից և գործի քննության հետ կապված այլ ծախսերից:

ՀՀ քաղաքացիական դատավարության օրենսգրքի 109-րդ հոդվածի 1-ին մասի համաձայն՝ դատական ծախսերը գործին մասնակցող անձանց միջև բաշխվում են բավարարված հայցապահանջների չափին համամասնորեն:

Վերոգրյալի հիման վրա և նկատի ունենալով, որ հայցը ենթակա է մերժման՝ Դատարանը գտնում է, որ պետական տուրքի հարցը պետք է համարել լուծված:

Էլևելով վերոգրյալից և ղեկավարվելով ՀՀ քաղաքացիական դատավարության օրենսգրքի 191-192-րդ հոդվածներով՝ Դատարանը՝

Վ Ճ Ո Յ Ց

«Էլլիպս ՋիԷլ» ՍՊԸ-ի ընդդեմ ՀՀ ոստիկանության «ՀՀ ՈՒՍՏՁԲ-46-ԾԱՌԱՅՈՒԹՅՈՒՆ-2022» ծածկագրով երկու փուլով մրցույթի հրավերի Հավելված 6-ով նախատեսված պայմանագիրը կնքելուն հարկադրելու պահանջի մասին, մերժել:

Պետական տուրքի հարցը համարել լուծված:

Վճիռն օրինական ուժի մեջ է մտնում հրապարակման պահից և կարող է բողոքարկվել ՀՀ վերաքննիչ քաղաքացիական դատարան՝ հրապարակման պահից մեկամսյա ժամկետում:

ԴՍՏԱՎՈՐ



Ս. ՍԱՀԱԿՅԱՆ